

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 05 » Հուլիսի 2020թ.

N Վ-44/55

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Գ. Հարությունյանի կողմից 12.06.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Կարո Կարենի Ռեզյանի կողմից Երևան քաղաքի Արաբկիր 21-րդ փողոցի հ. 15 հասցեում ինքնակամ իրականացվել է բնակելի տան վերակառուցման, մասնավորապես՝ քարե շարվածքով պատի կառուցման շինարարական աշխատանքներ, որի վերաբերյալ 12.06.2020 թվականին կազմվել է վարչական իրավախախտման վերաբերյալ թիվ 034771 արձանագրությունը արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Կարո Կարենի Ռեզյանի մասնակցությունն ապահովվելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Կարո Կարենի Ռեզյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն նամակները հետ են վերադարձվել կամ ծանուցադրերը մինչ օրս չեն վերադարձվել, իսկ քաղաքացին չի ներկայացել Երևանի քաղաքապետարան, ուստի, նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ քաղաքացի Կարո Ռեզյանին պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ քաղաքացի Կարո Ռեզյանի նկատմամբ 12.06.2020 թվականին կազմված հ. 034771 արձանագրության հիման վրա հարուցված վարչական վարույթը 05.08.2020 թվականի վարչական իրավախախտման գործի վերաբերյալ հ. Վ-31/44 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Կարո Կարենի Ռեզյանի մասնակցությունը ապահովվելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Կարո Կարենի Ռեզյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցադրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 01.10.2020 թվականի հ. Վ-39/40 որոշումով քաղաքացի Կարո Կարենի Ռեզյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 01.10.2020 թվականի հ. Վ-39/48 որոշումով կասեցվել է 12.06.2020 թվականին քաղաքացի Կարո Կարենի Ռեզյանի նկատմամբ կազմված հ. 034771 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Կարո Կարենի Ռեզյանի

մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Կարո Կարենի Ռեզյանին Երևանի քաղաքապետարանում 05.11.2020 թվականին կայանալիք գործի քննությանը ծանուցելու համար: Երևանի քաղաքապետարանի կողմից համապատասխան գրություն է ցատաքվել ՀՀ ոստիկանության Երևան քաղաքի վարչության Արաբկիր բաժին՝ աջակցելու քաղաքացի Կարո Կարենի Ռեզյանին հայտնաբերելու և վերջինիս Երևանի քաղաքապետարանում 05.11.2020 թվականին կայանալիք գործի քննության վերաբերյալ ծանուցագիրը հանձնելու հարցում:

Հարուցված վարչական վարույթի շրջանակներում 05.11.2020 թվականին քաղաքացի Կարո Կարենի Ռեզյանը ներկայացավ և մասնակցեց գործի քննությանը:

Քաղաքացի Կարո Կարենի Ռեզյանը (անձնագիր AS0578647, տրված 04.04.2019 թվականին 004-ի կողմից) բացատրություն տվեց այն մասին, որ լուսանկարներում պատկերվածն իր տարածքն է: Արձանագրությունը կազմվել է իր ներկայությամբ և ստորագրված է իր կողմից: Շինարարական աշխատանքները կատարել է հունիս ամսվա ընթացքում: Շինարարության թույլտվություն չի ունեցել: Ընդունում է իրավախախտումը:

Քաղաքացի Կարո Կարենի Ռեզյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 22.06.2020 թվականի հ. 19/59659, 08.09.2020 թվականի հ. 19/59659, 30.10.2020 թվականի հ. 19/108658 գրությունները, անշարժ գույքի նկատմամբ իրավունքի պետական գրանցման վկայականի պատճենը, Երևան քաղաքի Արաբկիր վարչական շրջանի ղեկավարի 05.08.2020 թվականի հ. 25/01-76691, 25.08.2020 թվականի հ. 25/01-84249 գրությունները, 21.10.2020 թվականի հ. 20/108658 գրությունը, ինչպես նաև քաղաքացի Կարո Կարենի Ռեզյանի կողմից տրված բացատրությունը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Կարո Կարենի Ռեզյանի կողմից սեփականության իրավունքով իրեն պատկանող Երևան քաղաքի Արաբկիր 21-րդ փողոցի հ. 15 հասցեում ինքնակամ իրականացվել է բնակելի տան վերակառուցման՝ քարե շարվածքով պատի կառուցման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

Քաղաքացի Կարո Կարենի Ռեզյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անգգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և

շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Քաղաքացի Կարո Կարենի Ռեզյանի նկատմամբ 01.10.2020 թվականի հ. Վ-39/48 որոշմամբ կասեցված վարչական վարույթը վերսկսել:

2. Քաղաքացի Կարո Կարենի Ռեզյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

3. Նախազգուշացնել քաղաքացի Կարո Կարենի Ռեզյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՐԱՄ ԱՐՈՎՅԱՆ